

**ԴԱՎԱՆԱԿՑՈՒԹՅՈՒՆՆ ԻՐԻՆՎ ՊՍԱԿԱԴՐՈՒԹՅԱՆ ԱՆՀՐԱԺԵՇՏ ՊԱՅՄԱՆ
ՎԱՂ ԱՎԱՏԱԿԱՆ ՀԱՅԱՍՏԱՆՈՒՄ՝**

Ս. Հ. ՀՈՎՀԱՆՆԻՍՅԱՆ

Քրիստոնեությունը Հայաստանում և սահմանակից արևմտյան երկրներում պետական կրոն ճանաչվելուց մի քանի տասնամյակ հետո կրոնակից լինելը ձանաչվեց իբրև պսակադրության անհրաժեշտ պայման «ճշմարիտ» կրոնի բոլոր հավատացյալների համար։ Պսակի օրինականությունը աղերսվեց ևս մի անհրաժեշտ պայմանի՝ դավանակցության հետ, որը քրիստոնեությունը պետական կրոն ճանաչելու իրավական հետևանք էր։ Այդ պայմանի կատարման հսկողությունը դրվեց կղերականության վրա՝ դառնալով նրա կարևոր պարտականություններից մեկը։

Հայկական դասակարգային հասարակարգը ծնեց մի բաժանում ևս՝ այն տարրալուծվեց «իսկական» և «սուտ» դավանության հետևողների։ Այստեղ բնակվող հրեաները, պարսիկները և այլք հավատարիմ մնացին իրենց ցեղակիցների դավանանքին։ Երկրի դավանական բաժանումը դարձավ հայոց պատմության անբաժանելի ուղեկիցը IV և բոլոր հետագա դարերում։ Դիտելի է մի կարևոր հանգամանք ևս։ Եթե Բյուզանդիան, Վրաստանը և Ասորիքը քրիստոնեությունը ձանաչեցին պետական կրոն, ապա Պարսկաստանը մերժեց այն։ Հայաստանի համար ստեղծվեց քաղաքական և դավանական բարդ իրավիճակ։ Դեռևս IV դ. երկրորդ կեսից նոր կրոնից դժգոհ մարդկանց մեծ ու փոքր խմբեր հակադրվեցին ընդհանրական եկեղեցու գաղափարներին, իսկ V դ. երկրորդ կեսին, Քաղկեդոնի ժողովի որոշումներից հետո, քրիստոնեական եկեղեցու միությունը ծանր ցնցում ապրեց՝ քրիստոնեական աշխարհը դավանապես բաժանվեց միաբնակների և երկաբնակների։ Այդ բաժանումը հայերի համար դավանական նպատակից բացի հետապնդում էր շափազանց լուրջ և կարևոր քաղաքական նպատակներ՝ մնալով քրիստոնյա, պահպանել հայ ժողովրդի ազգային դեմքը և ինքնությունը։

Դավանական հակամարտությունն իր կնիքը դրեց դարաշրջանի ամուսնական օրենսդրության վրա։ Արգելվեց խնամիությունը հեթանոսների, հերձվածողների, ի վերջո, նույն կրոնի երկու ուղղությունների՝ միաբնակների և երկաբնակների միջև։

Հայոց Կանոնադրքում կան երկու տասնյակից ավելի կանոնական նորմեր, որոնք կարգավորում են խնդրո առարկան։ Կանոններն արգելեցին ամուսնանալ՝ «հրեայի», «հեթանոսի», «այլազգու», «անհավատի», «անօրենի», «հերձվածողի», «հերետիկոսի» և այլ աղանդավորականների հետ։ Չնայած տերմինների բազմազանությանը, ըստ էության նրանցում խոսվում էր երկու տե-

¹ Այս հարցը հետազոտության առարկա չի դարձել, թեև նկատվել է առանձին հայագետների կողմից։ Տե՛ս ն. Մելիք-Թանգյան, Հայոց եկեղեցական իրավունք, հ. Բ, Շուշի, 1905, էջ 246։

սակի կրոնական-ազգային անհամապատասխանություն մասին՝ ա) ալլակրոն ալլադդու և բ) դավանակցի, բայց նրա դոգմաներից շեղվածի՝ հերձվածողի, հերետիկոսի, դաժնդավորականի հետ ամուսնությունն արգելելու մասին:

Հայոց Կանոնադրքից կրեում է, որ նշված անվանումներն ընկալվել են իբրև կռապաշտ, դիցապաշտ, ալլազգի կամ ալլակրոն: «Հեթանոս» բառը առավելապես գործածական է եղել IV—V դդ. կանոնական հուշարձաններում և եկեղեցական գրվածքներում:

Այսպես, «Առաքելականք» կանոնախմբի ԺԶ կանոնը² սահմանում էր, որ «եթև մեկը սիրեց հրեաներին կամ հեթանոսներին, որոնք երկրպագում են արարածներին, փոխանակ արարչին, պիտի շմտնի եկեղեցի կամ բնակվի հավատացյալների մեջ»:

Կանոնը պատվիրում էր հավատացյալներին ալլապիսինին վանել իրենցից, որպեսզի դառն արմատը երևան գալու հետևանքով, շատերը շարժվեն նրանով:

Դիտելի է մի հնաբերքի երևույթ. մինչև IV դ. կեսերը ընդունված կանոնները հեթանոսների հետ միայն մտերմություն էին արգելում՝ չբացառելով ամուսնությունը: Վերջինիս վերաբերյալ կանոններ ընդունվեցին IV դ. երկրորդ կեսից հետո, որոնք օրինականացվեցին Լավոդիկեի և ս. Ներսեսի կանոնախմբերում³:

Լավոդիկեի ժողովը (365) երկու կանոն նվիրեց ամուսնության համար գավանակից լինելուն: Դրանցից Ա կանոնը, թեև որոշ գաղափարական հարադատություն ուներ Պողոս առաքյալի պատվիրանի հետ, բայց և կատարում էր նոր քայլ, ապագարարելով՝ «Ձէ արժան առ ամենայն ալլազգիս խնամութիւն առնել... բայց եթէ յանձն առնուցուն հաւատալ ի սուրբ կաթողիկէ եկեղեցի»: Ուրեմն, այդ կանոնի արգելքը պայմանական էր: Եթե ալլազգին (ալլադավանը) ընդունում էր մեր դավանանքը, ալլապիսինի հետ ամուսնանալը արգելված չէր, իսկ եթե ոչ՝ խորհուրդ չէր տրվում ալլապիսինի հետ խնամիանալ: Ավելի տրոշակի էր նույն ժողովի Ժ կանոնի սահմանումը: Նրանում ասված է. «Ձէ մարթ ոյք յեկեղեցւոյ մերոյ են ի պէսպէս եւ ի ցոյի հարսանիս ալլազգեաց մերձեցուցանել զուստերս եւ զգոստերս, կին տալ նոցա կամ կին առնուլ նոցանէ»: Ինչպես տեսնում ենք, այս երկու կանոնները, թեև արգելում էին ալլադդու կամ ալլադավանի հետ ամուսնանալ, այդ արգելքը չէին ապահովագրում ներգործության որևէ իրավական հետևանքով, չէին պատժում մեղավորներին և անվավեր չէին ճանաչում նման հարակցությունը:

IV դ. խոշոր գործիչ Աթանաս Ալեքսանդրացին երկու կանոն է նվիրել քրիստոնյայի և մոզի ամուսնությունը, որոնք ներգործության միջոցներով չափազանց մեղմ են և ինչ-որ չափով հիշեցնում են Պողոս առաքյալի պատվիրանը: Նոսքը վերաբերում է նրա ՁԲ և ՁԳ կանոններին, որոնք Հայոց Կանոնադրքում բերված են հարց ու պատասխանի ձևով: ՁԲ կանոնի հարցման իմաստն այն է, որ եթե որևէ մոզի կին ցանկանում է քրիստոնյա լինել և ամուսինը չարդելի, բայց իր կենդանության ժամանակ բաց չթողնի, նրան պե՞տք է կնքել,

² Տե՛ս «Կանոնագիրք Հայոց», աշխատասիրությամբ Վ ա գ գ են Հ ա կ ո բ յ ա ն ի, գիրք Ա, Սրեան, 1964: Դիրք Բ, Սրեան, 1971: Այստեղ և այսուհետև նշելու ենք միայն կանոնախմբի անունը և կանոնը:

³ Հայոց Կանոնադրքի երկրորդ գրքում ս. Ներսեսի անունով հայտնի կանոնախումբը, մեր կարծիքով, պատկանում է Ներսես Սեծին (IV դ.): Այդ մասին անդրադարձել ենք մեր մի այլ աշխատանքում, որ շուտով լույս կտեսնի:

թե՞ ոչ, Կանոնում նույն հարցը տրված է նաև ամուսնու կապակցությամբ, Երկու դեպքում էլ օրենսդիրը պատասխանել է, որ մոգի հետ ամուսնություն մեջ գտնվողին կնքելը «շատ լավ է»։ Մինչդեռ օրենսդիրը միանգամայն այլ կերպ էր վերաբերվում, երբ քրիստոնյա ամուսինը ընդունում էր մոգություն, իսկ կինը՝ ոչ։ Այս դեպքում, այն հարցմանը, թե «կինը մեղք ունի՞ մնալով մոգ ամուսնու հետ... կամ թույլատրվո՞ւմ է նրան սրբության մոտենալ, թե ոչ», Աթանասը պատասխանում է, որ «իրավունք չունի սրբություններին մոտենալ, որովհետև նա և իր ամուսինը մի մարմին են»։ «Թող լինեն, ասում է, երկուսն էլ մի մարմին»։ Դիտելի է, որ այսպիսի անորոշ պատասխանով Աթանասը չի լուծում այն հարցը, թե պե՞տք է արդյոք կինը մնա մոգ ամուսնու հետ, թե՞ ոչ։

Այլ ճանապարհ ընտրեց Ներսեսը։ Հավատարիմ մնալով իր նախորդների կանոնական սահմանումներին, մյուս կողմից, նա իր ԺԲ և ԺԳ կանոններով պատժելի համարեց հեթանոսի հետ մտերմանալը։ Ավելին, ԺԳ կանոնով խրատով արգելվեց հեթանոսի հետ ամուսնանալը և ծանր ապաշխարանք սահմանվեց այդ զանցառության համար։ Նրանում ասված է. «Վասն որ զհեթանոսս կին առնէ կամ լինի առն՝ շար ք, մանաւանդ եթէ յանհաւատութեան կան մնան...»։

Այս է այն ամենը, ինչ IV դ. ընդունվել է հեթանոսների հետ ամուսնությունն արգելելու նպատակով։ Նույն խնդրին նվիրված կանոններով հարուստ չէ նաև V դ.։ Այս դարում թերևս միակը, որ տեղ է գտել Հայոց Կանոնագրքի հետօժենցյան խմբագրության մեջ՝ Կյուրեղ Ալեքսանդրացու կանոնախումբն է, որի Գ կանոնը արգելելով հեթանոսի հետ ամուսնանալը, միաժամանակ, ի տարբերություն իր նախորդների, սահմանում էր ներգործության տարբեր միջոցներ օրինազանցին պատժելու համար։

Հետագա դարերում, ընդհուպ մինչև VIII դ. երկրորդ կեսը, հայ կանոնական իրավունքում կանոններ չեն ընդունվել հեթանոսի հետ ամուսնությունն արգելելու մասին։ Հավանաբար այդ գործում փոքր դեր չի խաղացել Հայաստանի քաղաքական դրությունը, պարսիկների, իսկ ապա՝ արաբների տիրապետությունը Հայաստանում և այն, որ հայ մեծատոհմիկ նախարարները քաղաքական շահախնդրություն հետապնդելով, խախտում էին նշված պայմանը և խնամիանում հեթանոս զավթիչների հետ։ Հետազոտվող դարաշրջանի մեր մտավորականներն իրենց երկերում բերում են այդպիսի մի շարք փաստեր։ Այս տեսակետից հետաքրքիր է Հովհան Մանգակունու «Վասն շառնելոյ սէր բարեկամութեան ընդ թշնամիսն աստուծոյ» ճառը։ Մանգակունին զայրույթով նշում էր այդպիսիներին. «Եւ արդ որում ներելոյ և թողութեան արժանի լինիցիմք, գի զհրամանս և զպատուիրանս աստուծոյ կոխան արարաք. նա ընդ ազահի և ընդ արեքցողի չհրամայեաց առնել բարեկամութիւն, և մեք ընդ հրեայս և ընդ հեթանոսս և ընդ հերձուածողս առնեմք բարեկամութիւն և խնամութիւնս»։ «Եւ որ ևս ահագին անօրէնութիւնք են քան զամենայն շարիս, և հաւասար կռապաշտութեան, որք քրիստոնեայքն լինին, և ընդ անօրէնսն խառնակին, ամուսնանան ևս... և ոչ իմանան և զղջանան, և ոչ դառնան և ապաշխարեն»⁴։

Սիոն հայոց կաթողիկոսը 768 թ. Պարտավում հրավիրելով եկեղեցական ժողով, իր ԺԱ կանոնով սահմանեց. «Քահանայք պատուէր արասցեն արանց

⁴ Տե՛սն Յ ո վ հ ա ն ն ու Մ ա ն գ ա կ ու ն ո յ Հայոց հայրապետի ճառք, ի Վննետիկ, 1836, էջ 143, 145։

և, կանանց և, դստերաց նոցա, զի ոչ արասցեն ընդ հեթանոսի զուգութիւն, զի չլ ամուսնութիւն, ոչլ անարէն պիղծ խառնակութիւն, զի զի՞նչ բաժին կայ հաւատացելոյն ընդ անհաւատին, զի շար է քան զշնութիւն, եւ որ գարշագոյն է քան զշնութիւն՝ ընկան յանցանքս:

Վերջին կանոնախումբը, որ նորմեր է պարունակում խնդրո առարկայի վերաբերյալ, Բարսեղին վերագրված «Վասն պէսպէս և բիրապատիկ ախտից» ժողովածուն է: Նախ նշելի է, որ այս կանոնախմբի բոլոր համապատասխան հոգվածներում օգտագործված է «անօրէն» կամ «անհավատ» արտահայտութիւնը (տե՛ս ԾԱ, ՀԻԴ, ՀԼԹ, ԾԾԴ, ԾԾԴ կանոնները): Նախորդների օրինակով, ՀԻԴ հոգվածն արվելում էր հավատացյալներին ճշաշարժել... ընդ անհաւատից և ոչ համբուրել և ոչ ի տունս նոցա մտանել: ԸլԹ հոգվածը դրականապես էր լուծում անհավատին մկրտութիւն տալու իրավունքը, իսկ ԾԾԴ՝ նվիրված էր հավատացյալ կնոջ հետ անհավատի մկրտութեան ու պսակին: Ուրույն արժեք ունենր ԾԱ հոգվածը, որն ագելելով անօրենի հետ ամուսնութիւնը, միաժամանակ օրինապահի համար նախատեսում էր ներգործութեան կանոնա-իրավական միջոցներ:

Մեր նախնիները թեև հիմնականում կարողացել են ապահովել նշված պայմանի գործադրումը կյանքում, բայց և ոչ սակավ՝ քաղաքական, տնտեսական, դավանական և այլ պատճառներով նահանջել են նրանից: Նշելի է, որ այլադավան ամուսնութեան երբեմն դիմում էին իշխանական տները, հետապնդելով տնտեսական և քաղաքական միտումներ: Այդ են հավաստում մեր տրամադրութեան տակ եղած պատմական վկայութիւնները և ժողովրդական բանահյուսութիւնը: Դրանցից բերենք միայն մի օրինակ: Այսպես, Կաղանկավացին, խոսելով VII դ. տարածված ազգապիղծ ամուսնութեան մասին, նշում է, որ «ընդ այսոցիկ յապա ժամանակս տարօրէն խառնակութեամբ զըլ-խաւորք Աղուանից ազգաշաղախ աղծապիղծք եղեն»⁵: Պարսիկների ու արաբների հետ հայերի այլակրոն ամուսնութեան մասին օրինակներ են բերում Թովմա Արծրունին, Դրասխանակերտցին, Ստեփանոս Օրբելլանը, արաբական պատմիչները, Սասնա Ծռերի ասացողները և այլք⁶: Սակայն դիտելի է նաև, որ այլադավան գավթիչի հետ ամուսնացող հայ մեծատոհմիկը կամ նրա դուստրը չէր դավանափոխվում:

Այլադավանի հետ ամուսնանալը բացառելու համար կանոնները նախատեսում էին ներգործութեան կամ պատժի զանազան միջոցներ: Ս. Ներսեսի ԺԲ կանոնի ուժով հեթանոսի հետ շնացողը՝ «Թ ամ ապաշխարեսցեն», իսկ հեթանոս կին առնելու համար՝ «Լթէ թողցէ կամ մեռցի անհաւատն՝ ԺԺ ամ ապաշխարեսցէ և զծնունդսն ծօիցէ ի հաւատս» (ԺԴ):

Կյուրեղ Ալեքսանդրացու Գ կանոնը նույն հարցին տալիս է այլ լուծում: Նրանում կարգում ենք. «Որք ամուսնացեալ են ընդ հեթանոսաց եւ տացէ նոցա լիստուած ժամանակ ապաշխարութեան, զամենայն ժամանակս ապաշխարեսցեն արտասուաւք և ողորմութեամբ, ոյպէս զի զամենայն ինչս իւրեանց տացեն ազքատաց, ի տարուոյն միանգամ հաղորդեսցին արինաց: Ապա եթէ ոչ

⁵ Մ. Կաղանկավացի, Պատմութիւն Աղուանից աշխարհի, Մ., 1860, էջ 169:

⁶ Թովմայի վարդապետի Արծրունու Պատմութիւն տանն Արծրունեաց, ՍՊՔ, 1887, էջ 241: Պատմութիւն Յովհաննու կաթողիկոսի, Երուսաղեմ, 1867, էջ 145, 227—228: Արարացի մատենադրերը Հայաստանի մասին («Շանդէս ամսօրեա», 1906, № 9, էջ 176 և այլն):

գոյ տեղի եւ ոչ զերծանի ի կապանաց անարէնութեանն, գնեսցեն ծառայս եւ ազատեսցեն քանի եւ կարասցեն. եւ ապա յետին թողակին արժանի լինիցին»:

Կեսարացուն վերագրված «Վասն պէսպէս...» կանոնախումբը հիշեցնում է ս. Ներսեսի կանոնները: Նրա ՄԱ կանոնը սահմանում էր. «Թէ որ ամուսնասացի ընդ առն անարինի, թէ թողցէ զպղծութիւնն եւ յապաշխարութիւն եկեսցէ՝ Գ ամ ընդ ունկնդիրս կացցէ, Բ ամ՝ ընդ ձեռամբ, Ա՝ ընդ ապաշխարողս մտցէ նւ ելցէ յեկեղեցին, տրաւք եւ արտասուաւք արժանի լիցի արինաց: Ապա եթէ դարձուցէ զայրն ի մոլորութենէն ըստ գրեցելումն, թե՛ «Որ դարձուցանէ զմոլորեալն նա մեծ կոչեսցի», բայց սակայն վասն անարգանաց սուրբ պսակին՝ Ա ամաւ սրբեսցի եւ հաղորդեսցի արինաց»:

Այս է այն ամենը, ինչ սահմանված էր հեթանոսի, այլազգու կամ անհավատի հետ պսակն արգելելու եւ այդ օրինազանցութեան իրավական հետեանքների մասին: Նշելի է, որ ոչ մի կանոնում չի զարգացված այդպիսի պսակն անվավեր ճանաչելու գաղափար: Դա, հավանաբար, պատահական վրիպում չէ: Եկեղեցին բավարարվել է ապաշխարանք եւ մեկ-երկու այլ հետեանքներ սահմանելով, խուսափել է ավելի կտրուկ միջոցներից, մասնավորապես, պսակն անվավեր ճանաչելուց՝ կրոնական ֆանատիզմի եւ ընդհարումների տեղիք տալու համար:

Նկատեցինք, որ օրենսդիրը խստիվ արգելեց նաեւ հերձվածողների եւ ազանդավորականների հետ խնամիանալը: IV դ. երկրորդ կեսից Հայաստանում սկսեցին զարգանալ դավանակիցների ելույթները «ձշմարիտ աստծո» եւ կղերականութեան տեսական դոգմաների դեմ: Պաշտոնական եկեղեցին հերձվածողների ելույթները որակում էր ուրացողություն եւ դավաճանություն: Այդ հոգի վրա ծագում էին ներքին դավանական հակամարտություններ եւ արյունահեղ բախումներ: Կանոնական եւ պատմական աղբյուրները վկայում են, որ Հայաստանի հոգեւորականությունը ամենայն խստութեամբ պայքարում էր իր ներքին թշնամու դեմ:

Իբրեւ այդ պայքարի ուղղակի հետեանք, Հավոդիկեի ՀԱ կանոնով սահմանվեց, որ արժանի չէ խնամութիւն առնել... առ հերձուածողս, բայց եթէ յանձն առնուցուն հաւատալ ի սուրբ կաթողիկէ եկեղեցի»:

Երկրորդ նիկիականի 29 կանոնի համաձայն՝ «Ոչ է պարտ ուղղափառաց եկեղեցւոյ ընդ հերետիկոսաց ամուսնութիւն առնել»:

Արգելելով այդպիսինի հետ ամուսնանալը, հայ եկեղեցին չէր տրամադրում նման պսակի դեմ պայքարի ազդու կանոնական նորմեր: Այդ պայքարն առավելապես ընդունել է գործնական բնույթ, իսկ V եւ հետագա դարերում՝ սուր կանոնա-խրավական բնույթ: Բյուզանդիայում եւ Հայաստանում ընդունվեցին օրենսդրական ակտեր՝ ուղղված համապատասխանաբար միաբնակների եւ երկաբնակների դեմ:

Այսպես, թեեւ Շահապիվանի Ժողովի (447) ԺԹ եւ Ի կանոնները չեն հուղում հերձվածողի հետ պսակն արգելելու հարցը, բայց մծղնեութեան համար սահմանված խստագույն պատիժները, մասնավորապես՝ քահանայությունից զրկելը, ճակատին աղվեսադրոշմ դնելը, ջիղ կտրելը, գողենոց ուղարկելը, նւրիւկելը եւ այլն, կասկած չեն թողնում, որ մծղնեի հետ ամուսնանալը խստիվ արգելված ու պատժելի արարք էր:

Խնդրո առարկայի վերաբերյալ մեծարժեք վավերագրեր են պահպանվել «Գիրք թղթոցում», որոնք մեզ տեղափոխում են VI դ. 50—60-ական թվականները, երբ հայոց եկեղեցին, երկրի իշխանավորների հետ համագործակցած,

կատաղի պայքար էր մղում նեստորականների և պալլիկյանների դեմ: Վալերադրերից երևում է, որ պալլիկյանները Հայաստանում վալելում էին մեծ ժողովրդականութիւն: Նրանց դիմում էին մանուկներին կնքելու, պսակն օրհնելու և այլ նպատակով: Նրանցում մասնավորապէս նշվում է. «զգոզս և զպոռնիկս և դալլ վնասակարս դոր մեք արտաքոյ եկեղեցւոյ և արհնութեան առնետք և չհամարեաք արժանի սրբոյ հաղորդութեանն, երթային առ նոսա և նորա ընդունէին յիւրեանց ի պիղծ և յանաւրէն արհնութիւնն և հաղորդութիւն ժողովարանին՝ հակառակ մեղա՝: Մի այլ վալերագիր պարտավորեցնում էր հավատացւալներին. «ամենեկմ մի՛ հաղորդել ընդ նոսա. մի՛ յաղաթս, մի՛ ի կերակուրս, մի՛ յրմբելիս, մի՛ ի բարեկամութիւն, մի՛ խնամութիւն, մի՛ ի դեկութիւն, և մի՛ վասն մարմնաւոր իրաց տալ և առնով ինչ ի նոցանէ, բայց միայն վաճառել ինչ և կամ դնել՝ որպէս ի Հրէից և կամ յայլ ազգաց, որք ոչ հանաչեն և ոչ խոստովանին լիապէս զսուրբ Երրորդութիւնն: Իսկ որք հաղորդիցին ընդ նոսա և կամակից լիցին նոցա պղծալից հաւատոյն և անաւրէն գործոցն, յայնպիսիքն նզովեսցին հողուով, նզովեսցին մարմնով, և ամենայն կենցաղով իւրեանց, և որոշեսցին ի սրբոյ եկեղեցւոյ, և ի մշմարիտ հատէ Քրիստոսի, և մատնեսցին սատանայի և հրեշտակաց նորա, և եղիցին խաւարաբնակք, և յաւիտենից հրոյն կերակուր»⁷:

Անկասկած, երկրի երեւելի հոգեւոր ու աշխարհիկ իշխողների համատեղ որոշմամբ ընդունված այս կարեւոր փաստաթուղթն ունեւր կանոնական և աշխարհիկ-իրավական ակտի զորութիւն, թեև օրինազանցին պատժելու այնտեղ նշված միջոցներն իրենց բնույթով կանոնա-իրավական էին:

Նույն «Գիրք թղթոցում» պահպանվել է մի վալերական պարտավորագիր, որը ցույց է տալիս, թե ի՞նչ միջոցների էին դիմում VI դ. մեր նախնիները, երբ հավատացյալը հանդգնում էր խնամիանալ «անիծեալ նեստորիանոսների» հետ: Ահա այդ պարտավորագիրը. «Զսահման հաւատոյ՝ զոր ուղղափառ վարդապետաց Հայաստան աշխարհիս հաստատեալ էր անշարժելի պահել, և հեռանալ չամենայն հերձուածոց, մանաւանդ յաղանդոյն տարագիր եղելոյ ուրացողին նեստորի, և յորմէ առավելագուցն պարտ էր փախչել և պիղծ և աղտեղի համարել: Բարիատեսց շար բանսարկուն մտամոլար և պակշտեալ պատրանաւք զիս զայթագղեցոյց, խնամութիւն առնելով ընդ աշակետս անհիշելոյն ինստորի: Վասն որոյ ալժանի էի տանջանաց և իսպառ կորստեան ըստ անաւրէն գործոց իմոց, և դուք, տեարք, զողորմութիւնն Աստուծոյ արարէք ի վերայ իմ տալով ինձ տեղի ապաշխարութեան. և ես պայման արարի առաջի վարդապետաց իմոց և տեարանց Աստուածային ախտիւ, ամենեւին չհաղորդել ընդ պատուիրանազանցս և թերահաւատ ազգին և որ ծնաւղքն անուանեալ են կնոջ իմոյ, մի՛ յաղաթս, և ի կերակուրս, և մի՛ յայլ ինչ երթեկութեան սէր և ընդամնութիւն, այլ սուրբս զմի ոք յատարականաց համարել: Եւ թէ թերի յուրաց միով իւրք նզովեալ եղէց չամենասուրբ Երրորդութեանէն, և ի ձէնջ տեարանց պատուհաս կրեցից, և հազար ստեր դրամ տուգան տացից ի սուրբ եկեղեցի, և կնքեցից զայս պայման նամակ»⁸: Այս «նամակ պայմանք» կամ պարտավորագիրը կազմվել ու վալերացվել է Համազասպի որդի Սահակի անունից, որը, հավանաբար, պատկանելիս է եղել ազատների կամ ունեւր

7 Գիրք թղթոց, Թիֆլիս, 1901, էջ 73:

8 Նույն տեղում, էջ 76:

9 Նույն տեղում, էջ 108—109:

շինականների դասին: Սահակի մեղքն այն էր, որ ամուսնացել էր նեստորականի դստեր հետ: Հետաքրքիր է մեկ այլ հանգամանք ևս՝ հագար դրամ տուգանքի չափը: Հայոց Կանոնագրքի ոչ մի կանոնը այդպիսի չափ չէր սահմանում: Մնում է կարծել, որ տուգանքի չափը յուրաքանչյուր անգամ որոշել են երկրի հոգևոր և մարմնավոր տերերը՝ իրերի վիճակը և զանցառուի մեղքի աստիճանը հաշվի առնելով:

Հերձվածողների դեմ կանոնա-իրավական պայքարը, նրանց հետ ամուսնանալու իրավունքը բեկանելը անխափան գործել է նաև VII և հաջորդ դարերում: Այդ պայքարի համար տեսական նեցուկ էր ս. Գրքի զգուշացումը. «Մի՛ արմատ դառնութեան ի վեր երեւեալ նեղիցէ, եւ նովաւ բազումք պղծիցին» (Երբ. ԺԲ, 15): Հայոց Կանոնագրքի ստեղծող Օձնեցին անմասն չի մնացել այդ պայքարում: Նա երկու կանոն է նվիրել այդ հարաբերությանը, մեկը՝ ընդհանրապես հերձվածողներին (ԻԹ), իսկ մյուսը՝ պավլիկյաններին (ԼԲ): Առաջինի համաձայն՝ «Ոչ է պարտ ամենեւին անխտիր լինել եւ հաղորդութիւնս առնել ընդ հերձուածողաց, այլ խորշել ի նոցանէ, եւ ոչ հաւասարէ ընդ նոսա ի հոգեկան եւ ի մարմնական անղանա»: Հավանական է, որ այս կանոնը ընկալվել է տարածական մեկնությամբ և այն տարածվել է նաև քաղկեդոնականների վրա: Դրա համար եղել են տավանական, քաղաքական և իրավական նախադրյալներ: Երկրորդը՝ ԼԲ կանոնն էր, որը շարունակում էր պավլիկյաններին հետապնդելու նախորդ դարերի քաղաքականությունը: Նրանում ասված է. «Ոչ է պարտ ի շարաղնադ մծղնէիցն տեղիս, որ կոչին պոլիկեանք, աւթել ումեք եւ կամ յարել եւ խաւսակից լինել եւ երթեւեկութիւն առնել, այլ ամենեւին հեռանալ ի նոցանէ, գարշել եւ ատել զնոսա... Եթե ոք իցէ, որ յարեսցի ի նոսա, եւ ի սիրելութիւն եւ ի բարեկամութիւն եկեսցէ, պարտ է զայնպիսիս խոշտանգել եւ ծանր պատուհաս ի վերալ դնել, մինչեւ զղասաւսացին եւ առողջացին ի հավատոս»: Այս է պէս ամենը, ինչ Հայոց Կանոնագրքում օրինականացվել է հերձվածողների հետ պսակն արգելելու հարցում:

Առանձին հետադոտություն է վարոտ հայերի (միաթնամյանների) և բյուզանդացիների, իսկ ապա՝ վրացիների (երկաթնակների) հետ պսակն արգելելու հարցը: Դրա ձևական հիմքը 451 թ. Քաղկեդոնում կատարված տավանական երկպառակությունն էր, որն փրկնիք դրեց դարաշրջանի ամուսնական օրենսդրության վրա: Ընդունվեցին պետական և կանոնական նորմեր, որոնք արգելեցին տարերով հարեան ժողովուրդների միջև խնամիրություն հաստատելը:

Այս տեսակետից մեծ հետաքրքրություն է ներկայացնում Հոստինիանոսի՝ «Յաղագս կանանց հերձուածողաց» վերնագրով 109-րդ նոստիլան, որը հասցեագրված էր Արևելքի պրեստորական պրեֆեկտ Հովհաննես Կապագովկացուն¹⁰: Այդ նոստիլան հայագիտությունը դեռևս ըստ ամենախի չի արժեքավորել: Նրա առաջին գլխում կայսրը անսթող դրսևորում է փրկիտավորությունը. «Մենք ցանկանում ենք, որ ուղղափառ հավատ դավանողները և այն պաշտպանողները ինչ-որ առավելություն ունենան աստծու հոտից օտարացողների նկատմամբ (որովհետև արդարացի չէ, որ հերետիկոսները համահավասար իրավունքներ ունենան), այդ իսկ պատճառով հրապարակում ենք սույն օրենքը»: Նույն օրենքի երկրորդ գլխում պարզորոշ ասված է, որ այն

¹⁰ Corpus Juris Civilis, vol. III, Novellae.

տարածվում է կայսրության «տիրապետության ներքո գտնվող հպատակ ժողովրդի վրաս, հետևաբար» նաև բյուզանդական Հայաստանի հալ կանանց վրա»

Օրենքի բովանդակությունից բխում է, որ Հուստինիանոսը նկատի է ունեցել նաև՝ «հայոց ժառանգական իրավունքի մասին» հայտնի էղիկտն ու 21-րդ նովելլան, որոնք կանանց իրավունք էին շնորհում ժառանգելու ծնող-ներին, եղբայրներին և մնացած ազգականներին, ամուսնանալով պոռուզով և այլն։ 109-րդ նովելլայի առաջին գլխում, մասնավորապես ասված է, որ «որոշորայն առանձնաշնորհումները, որ մենք տվել ենք մեր օրենքներով կանանց, մենք տալիս ենք միայն այն կանանց... որոնք պաշտում են մեր պաշտած ուղղափառ հավատար, յայսինքն՝ ընդհանրական եկեղեցուն... Այն կանայք, որոնք բաժանում են իրենց վերահիշյալից և շեն ուզում մասնակցել նրա անապակ հաղորդության... ամենևին չենք ուզում, որ այդպիսի կանայք օգտվեն օրենքների կողմից տրված առանձնաշնորհյալ իրավունքներից... Թող նրանք անմաս լինեն օրենքների կողմից ընձեռած բարեբարություններին»։

Կայսրը այս նովելլայով մերկացնում է իր իրական դիտավորությունը։ Բանն այն է, որ յի կարելի լրջորեն խոսել հայ կանանց իրավունքներն ընդարձակելու մասին, երբ շնորհվող իրավունքները պայմանական էին՝ դուրս գալով նրանց դավանական գործերին կոպտորեն միջամտելու, կանանց իրենց ամուսիններին և ընտանիքի այլ անդամներին հակադրելու միտումով։

Հայկական պետականության բացակայության պայմաններում, Հայաստանում, հավանաբար, չէր կարող պետական օրենք ընդունվել ի պատասխան Հուստինիանոսի դիտավորության։ Սակայն կասկածից վեր է, որ հոգեվարդար չէր կարող հանգես փալ պաստիվ հայեցողի դերում և ժողովրդին չհորդորել՝ հեռու մնալու քաղկեդոնականների հետ բարեկամական և խնամիական հարաբերություններից։ Նրբ IX դ. Հայաստանի մի մասում վերահաստատվեց ազգային պետականությունը, մոտավորապես X դ կեսերին, Հայոց Արապ Ա արքայի օրոք, պետական օրենք ընդունվեց, որով արգելվեց քաղկեդոնականների հետ խնամիանալու։ Այդ փաստը հավաստում է ժամանակակիցը՝ Անանիա Մոկացի հայոց կաթողիկոսը։ Նրանից մեղ հասած փաստաթղթերից մեկում ասված է. «Եւ նախ կամեցաք մաքրել զընծիւղեալ աղանդ քաղկեդոնի, որ յաշխարհիս Հայոց իբր քաղցկեղ ճարակէր և զբոլոր աշխարհիս էր կալեալ... և բողոքեալ առ թագաւորն Հայոց (Աբաս) կամ արքայացանէլ թագաւորասաստ հրամանաւ ի կամս աստուծոյ և հաւանիլ բանից մերոց, և կամ բառնալ զմեզ ի կենացս... Եւ նոյն ժաման զհրաման թագաւորասաստ պայմանին դնէր, զի մի՞ ոք իշխեսցէ ամուսնանալ ընդ երկալնական... և կամօք հօրին առ ժամայն բարձան ամենայն անառակ կարգաւորութիւն(ք)ն, որ էին յաշխարհին երանելոյ թագաւորին Աբասայ»¹¹։

VII դ. սկզբներին հայոց Աբրահամ և վրաց Կյուրիոն կաթողիկոսների օրոք վրաց եկեղեցին անջատվեց հայոց եկեղեցուց։ Վրացիների համար անկոպի ազգային եկեղեցի ունենալը անհրաժեշտություն էր և բխում էր վրաց ժողովրդի և նրա մշակույթի ինքնութիւնը պահպանելու անհրաժեշտությունից։

¹¹ Տե՛սն Անանիայի Հայոց կաթողիկոսի, Յաղագս ապստամբութեան տանն Աղուանից («Արարատ», 1897, № 3, էջ 132—133)։

Այդ հողի վրա պառակտվեց հայերի և վրացիների դավանական միությունը, որն իր կնիքը դրեց դարաշրջանի կանոնական օրենսդրության վրա: Աբրահամ կաթողիկոսի կոնդակի ուժով արգելվեց հայերի խնամությունը վրացիների հետ: Հիշյալ կոնդակում, որը վերնագրված էր՝ «Թուղթ շրջագայական տեառն Աբրահամու Հայոց կաթողիկոսի», ասված է. «զյառաջագոյն սահմանն վարդապետացն մեռոց, զոր ի վերայ Հռոմին ճատին. և կացցէ մինչև ցրուն՝ թէ ոչ դարձցին ի ճշմարիտն, մեք գնոյն ի վերայ Վրաց հրամայեցաք, ամենեւեմ մի՛ հաղորդել ընդ նոսա, մի՛ յաղաթս, և մի՛ ի կերակուրս, և մի՛ յըմպելիս. մի՛ ի բարեկամութիւն... այլ և ամուսնութեամբ ամենեւեմ հեռանալ. բայց միայն գնել ինչ, և կամ գնոյ տալ որպէս Հրէից»¹²: Այս պահանջը ոտնահարողների համար՝ իբրև պատիժ, սահմանվեց. «այնպիսիքն նղովեսցի՛ն հոգևով, նղովեսցի՛ն մարմնով և ամենայն կենցաղով իւրեանց, և որոշեցին ի սրբոյ եկեղեցւոյ Աստուծոյ. և եղիցին խաւարաբնակք և յաւիտենից հրոյն կերակուր» (ընդգծումը մերն է—Ս. Հ.):

Այս վավերագրի ընդգծված տողերը նաև վկայում են, որ ավելի առաջ (թե՛ երբ, հայտնի չէ) մեր վարդապետները նույնաբովանդակ կանոն էին ընդունել հոռմեացիների՝ քաղկեդոնականների դեմ, երկաբնակների նկատմամբ, հավանաբար՝ ի պատասխան այն օրենքների, որոնք ընդունվեցին Բյուզանդական կայսրությունում: Այսպիսին էր պաշտոնական օրենսդրությունը: Այլ էր փրավիճակը կյանքում: Հայկական և բյուզանդական աղբյուրները հավաստում են, որ Հայաստանի, Բյուզանդիայի և Վրաստանի աշխարհականները ոտնահարում էին նշված օրենքները, անտեսում նրանց համար անմարսելի տաճարաբանական տարգերությունները և խնամխանում միմյանց հետ:

Ի վերջո՝ նշենք այն հետաքրքիր փաստը, որ դարաշրջանի աշխարհիկ-իրավական հուշարձանը՝ «Աստված յաղթող Թագաւորաց քրիստոնէիցը», տրը գիտական աշխարհին հայտնի է «Ասորա-հոռմեական» կամ «Ասորական» դատաստանագիրք անունով¹³, ոչ մի իրավական մտրմ չի պարունակում այլադավանի և հերձվածողի հետ ամուսնությունն արգելելու մասին, թեև նրանում հանդիպում են պսակադրության որոշ պայմաններին վերաբերող հոգևածներ:

Այսպիսով, այլադավանի հետ ամուսնությունն արգելելը հետապնդել է ոչ այնքան դավանական, որքան քաղաքական նպատակներ: Մեր նախնիները հիշյալ օրենքներով ցանկացել են հայ պետականության բացակայության պայմաններում պահպանել հայ ժողովրդի ազգային դեմքը ուժացումից:

¹² Գիրք Թղթոց, էջ 194—195, ՏԵՍ նաև Մովսեսի կաղանկատուացոյ Պատմութիւն Աղուանից, էջ 211—215, Ուխտանէս, Պատմութիւն հայրապետաց և թագաւորաց Հայոց, ի Վաղարշապատ, 1871, էջ 94, 109—110:

¹³ ՏԵՍ Ս. Հ. Հովհաննիսյան, «Ասորական» կամ «Ասորա-հոռմեական» կոչված դատաստանագրքի աղբյուր հայ իրավունքի հետ («Պատմա-բանասիրական հանդես», 1970, № 2):

ЕДИНОВЕРИЕ КАК НЕОБХОДИМОЕ УСЛОВИЕ ВЕНЧАНИЯ
В РАННЕ-ФЕОДАЛЬНОЙ АРМЕНИИ

С. А. ОГАНЕСЯН

Резюме

В IV—X вв. в Армении был принят ряд законодательных актов, запрещающих браки христиан с язычниками и иноверцами—нехристианами. Церковные и светские власти жестоко преследовали и запрещали также и браки с еретиками—несторианами, павликианами и т. д. После раскола Вселенской церкви на монофизитов и диофизитов (Халкедонский собор, 451 г.) и признания первых еретиками, византийские власти соответствующими законами запретили браки между сторонниками этих двух течений. Светские и церковные власти Армении, в свою очередь, объявили еретическим диофизитство и, в качестве ответной меры, в законодательном порядке, не признали действительность браков, заключенных с диофизитами—армянами и неармянами. В жизни часто нарушались эти законы. В условиях отсутствия армянской государственности установление такого необходимого условия брака преследовало политическую цель—сохранение национального облика народа.